

# **SESSION GUIDES**

## **Alternative Learning System- Accreditation and Equivalency (ALS-A&E)**

**Secondary: Development Of Self And A Sense  
Of Community**

**Mga Karapatan Ng Mga Manggagawa**



**USAID**  
FROM THE AMERICAN PEOPLE



**Save the Children®**



**ASCEND-Mindanao**  
Assistance for the Comprehensive Educational Development of Mindanao



**March 2006**

---

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

## **Mga Karapatan ng mga Manggagawa**

### **Session Guide Blg. 1**

#### **I. MGA LAYUNIN**

1. Naipaliliwanag ang mga pangunahing karapatan at responsibilidad ng mga manggagawa
2. Natutukoy ang mga batas sa paggawa na magagamit sa pagtataguyod ng karapatan ng mga manggagawa
3. Nabibigyang halaga ang mga karapatan sa paggawa kaugnay ng benepisyo nito batay sa karanasan

#### **II, PAKSA**

- A. Aralin 1: Pangunahing Karapatan ng mga Manggagawa p. 1-20  
Pangunahing Kasanayan sa Pakikipamuhay: Makibagay sa kapwa  
Kritikong pag-iisip, Paglutas sa suliranin, Magpasiya o magdesisyon

- B. Kagamitan: modyul, manila paper, pentel pen, flash cards

#### **III. PAMARAAN**

##### **A. Panimulang Gawain**

##### **1. Balik-Aral**

- a. Gumawa ng mga tanong ukol sa dating aralin. Ilagay sa basket at pakunin ang bawat mag-aaral.
- b. Bago sagutin ito, ibigay ang mga pamantayan sa gagawin.

##### **2. Pagganyak**

Itanong ang sumusunod: Sundan ang nasa talahanayan. Isulat dito ang mga sagot.

<b>a) Sino ang nagtatrabaho?</b>	<b>b) Ano ang trabaho mo?</b>	<b>c) Magkano ang kinikita/sahod mo?</b>
Jose	kargador sa palengke	P20.00/kaeng
Eduardo	nagtitinda ng dyaryo	P150.00/araw
Joan	katulong	P2,000.00/buwan
Pepito	wash car boy	P60.00/sasakyan
Vaness	yaya	P2,000.00/buwan

- a) Sapat ba ang sahod na kinikita mo?

- b) Alam mo ba ang mga karapatan mo bilang isang manggagawa?
- c) Alam mo ba ang benepisyong makukuha mo?
- d) Ano ang mga batas tungkol dito?

## **B. Panlinang na Gawain**

### **1. Paglalahad**

Ipaliwanag sa mag-aaral na ang bawat isang manggagawa ay binigyan ng proteksiyon ng Konstitusyon. Basahin sa modyul p. 5-6.

Isulat ito sa brown paper habang binabasa ng mag-aaral.

#### **Artikulo 3 - Kodigo sa Paggawa**

Ang Estado ay nagbibigay ng proteksiyon sa paggawa, magtataguyod ng ganap na empleyo, magtitiyak sa pagkakapantay-pantay sa oportunidad sa trabaho, anuman ang kasarian, lahi o paniniwala at pangangalaga sa relasyong employer at manggagawa.

Ipabasa ito sa mag-aaral ng dalawang beses.

Itanong:

Anu-ano ang mga karapatan ng manggagawa?

- karapatang mag-organisa
- collective bargaining
- kasiguruhan sa trabaho
- makatwiran at makataong kalagayan sa trabaho

Ipasulat ito sa metacards at ipasulat sa pisara.


Sabihin:

Ang mga karapatan sa paggawa ay may kaakibat na benepisyo. Gumamit ng flashcards na nakasulat ang mga sumusunod. Maaaring pag-usapan ayon sa karanasan.

## 2. Pagtatalakayan

Sabihin:

Ang mga karapatan sa paggawa ay may kaakibat na benepisyo. Gumamit ng flashcards na nakasulat ang sumusunod. Maaaring pag-usapan ayon sa karanasan.



- Hatiin ang mag-aaral sa dalawang pangkat at ipagawa ang mga sumusunod:

Pangkat 1: Ipasabi ang relasyon na namamagitan sa employer at manggagawa. Gamitin ang diyalogo na nasa p. 14 ng modyul.

Pangkat 2: Pag-usapan ang mga dahilan kung bakit maaaring tanggalin ang isang empleyado o manggagawa ng employer. Tingnan ang proseso sa p. 18.

- Tingnan ang mga ginawa at mga sagot sa kanilang tinalakay na problema.

### 3. **Paglalahat**

- a) Ipasagot ang Alamin Natin sa p. 19 ng modyul, iugnay ito sa mga kuru-kuro ng ibang mag-aaral.
- b) Ipabasa din ang Tandaan Natin sa p. 20. Ipahayag at ipadama na ito ay karapatan nila.
- c) Ang Konstitusyon ay nagbibigay ng proteksiyon sa manggagawa.
- d) Ang bawat manggagawa ay may karapatan – may benepisyong matatanggap at walang empleyado ang maaaring tanggalin ng employer ng walang dahilan.

## IV. **PAGTATAYA**

Isulat sa kalahating papel (1/2) ang iyong sagot sa sumusunod na sitwasyon. Ano ang karapatan o benepisyo na angkop sa bawat isa?

- a) Nanganak si Gracia sa pamamagitan ng “caesarian operation”.
- b) Natanggal sa trabaho si Mang Rudy dahil sa nagsara ang kumpanya.
- c) Pumasok sa opisina si Maricel at nagtrabaho kahit pista-opisyal (Abril 9).
- d) Nagtatrabaho si Ramiro sa isang “welding shop.” Naaksidente siya habang nagpuputol ng bakal.
- e) Nagkasakit si Nora, inubo siya at nilagnat, hindi siya nakapasok ng tatlong araw.

Sagot:

- 1. Karapatang tumanggap ng makatwirang sahod at benepisyo – 75 araw na bakasyon dahilan sa panganganak sa pamamagitan ng “caesarian operation.”
- 2. Ipabasa ang pahina 18 upang malaman ang mga hakbang bago magtanggal ng empleyado.
- 3. Pasagutan ang Alamin Natin sa p. 19-20. Ihambing ang sagot sa Batayan sa Pagwawasto p. 44.

## **V. KARAGDAGANG GAWAIN**

Sabihin sa mag-aaral: Sikapin ninyo na makapanayam ang isang tao na nagtatrabaho sa isang pribado o ahensiya ng gobyerno. Tanungin siya tungkol sa sumusunod:

1. Ilang taon na siyang nagtatrabaho?
2. Ano ang karapatan na kanyang tinatamasa?
  - sahod
  - pista opisyal
  - bakasayon
  - at iba pa
3. Ano ang mga benepisyo na kanyang natanggap o maaaring tanggapin?

Ipaalam ang mga sagot sa mga mag-aaral.